

Tasdawit n Bgayet

Tamezdeyt n tsekliwin d tutlayin

Tasga n tutlayt d yidles n tmaziyt

Aseggas asdawan : 2018-2019

Aswir : Master 1: Tasekla .

Almud : Tizri n tewsatin n tsekla

Aselmad : AYAD Salim

Aseyti n ukayad n umesđis amenzu

Kra n yiwellihen : - Aseyti n ukayad macci d tullsa ar d-nales i temsirin

- Tiririyyin ur ilaq ara ad ilint d izegnan: yal aferdis n tririt ilaq ad d-yettwasegzi akken iwata ama s timmad-is ama ilmend n yiferdisen i icudden yur-s

- Mi ara d-nessuter deg ukayad asegti ney asqerdec n kra yimekti ney n tmiđrant anamek-is macci ad d-yebder yiwen timiđranin-nni. Ilaq ad d-ibeyyen assay yellan gar yal tamiđrant, ad d-ifk ifukal u ad d-yaru s tenfalit iwulmen.

Ihi tiririt tezmer ad tili akka:

Tizri n tewsatin n tsekla tekkat ad d-taf tirit i useqsi agejdan D acu ay d tawsit n tsekla? Maca, aseqsi-ya yeslul-d atas n yiseqsiyen i d-icudden yer-s.

Tirirt 1: ini-d d acu-ten yiseqsiyen-a

1. Acu ay d tawsit? Yeslul-d sn yiseqsiyen d imeqqranen:
2. D acu-t wassay yeqqnen idrisen yer tewsatin? Ula d aseqsi-ya mačči d win iferzen. Acku yejmel sin n yiseqsiyen-nniđen:

2.1- D acu-t wassay i iqqenen ađris yer tewsit? (aseqsi amatu).

2.2-D acu n wassay yellan gar kra n uđris akked tewsit-in? (aseqsi uzzig)

Seg tam-nniđen, aseqsi-ya wis-sin, yezmer ad d-yeglu s usqsi-nniđen, ara ibeddlen abrid i uskasi yef tewsatin n tsekla.

Ata-n ihi useqsi-nni:

3- D acu-ten wassayen yellan gar inedruyen n i ibedden yef yinedruyen n tirmittakked yimekta? Ney s tenfalit-nniiden : D acu-t wassay gar yiđrisen yellan deg tmitti, ssnen-ten madden akken llan akked d yimekta i ten-id-yemmalen?

Tirirt 2 : sezi-d timuylıwin i yekkaten ad asen-d-afen tirit

1. Timuylıwin i d-yellan ilmend n yiseqsiyen-a, wwten deg-sen imzrayen n tsekla ad d-afen isefranen s wayen nezmer ad neeqel twsit akken ad tt-nessimel ilmend n tsekka it t-iwulmen.
2. Yal wa yef wacu yesbedd tamuylı-s
3. Yella wanida mtawant tmuylıwin , yella wanida mgaradent
4. Ma nekkes ayen yef mgaradent tmuylıwin-a ad nessiwę ad d-naf isefranen yef tbedd tbadut n tewsit

2.1. Tamuylı n Karl Viêtor

Viêtor yettwali d ticrad n taly ay d tulmisin tigejdanin i ilaqen i usbadu n tewsit. D acu neqqar talya deg tegnit-a? D iferdisen n talya n berra n uđris (Md :ifyar akked kra n taseddart tuzzigt?) ney ula d talya n daxel n uđris am kra n tyessa tuzzigt, ney kra n tuddsai xalfen n yiqeddic?

Snat-a n talyiwin ilaq ad ttunehsabent d iferdisen igejdanen deg usebbed n tewsit. Ver sin n yiferdisen-a n talya, ilaq ad as-nesdukklin agbur ađrisan n yal aqeddic.

2.2. Tamuylı n Todorov

Todorov yettwali d “*tulmisin n yinaw yettwalugnen*” deg tmetti s wayes ay nezmer ad d-nesbadu tawsit, d tiwsatin ay nezmer ad naf deg ukuż n yiswiren: tutlayt, taseddast, tasnamka akked tepragmaňit. D cau kan, imi yal tawsit, d taseklant ney mačči d taseklant, yettwasbadu ilmend n yilugan n kra n tulmisin n yinaw i d-tesbedd tmetti deg yettidir, ad naf yella wassay n timarewt gar “tewsatin” tiseklatin akked “tigawin n tmeslayt”. Todorov yettwali ulac amgared gar tewsit n tsekla d wayen ttmeslayen madden yal ass “tigawin n tmeslayet”. Maca amek i d-yella uqeddi seg wa yer wayed? Amek i d-yedra ulsiley n tigawin n tmeslayt armi uýalent d tiwsatin n tsekla?

Akken i d-yessegza Todorov, annect-a yella-d s krađ n yiberdan: ha tawsit teslugen tulmisin n tigawt n tmeslayt, am yal tigawt-nniňen n umeslay-tawsit tetteg ilugan i tmeslayt n yal ass), ha temlal-d, bla lebyi, akked kra n tigawt n tmeslayt ur nelli d tasekla, ha tettwasuddem-d seg kra n tigawt n tmeslayt s ulsiley d usimyr am wungal i d-yekkan seg tigawt n tsiwelt.

2.3. Tamuyli n Schaffer

Schaffer yettwali tiwsatin cudden yer krađ n yimentayen usbiken: imtawayen n ugbur, imtawayen imensayen/imlukanen akked tmezgiyin tisnalsanin.

Aqeddic aseklan , nezmer ad t-nezrew s sin n yiberdan yemgaraden: ama d ađris s timmad-is (akken yella), ama d tigawt n taywalt (gar umeskar d yimeyri). Dayen yettağgan imeyri yezmer ad isnekwu aqeddic amzun d yiwit n tsekka n taywalt tuzzigt. D aya ay nettsemmi imtawayen n ugbur (ađris amzun d tigawt n taywalt).

Ma nezrew ađris s timmad-is blama nger-d taywalt, ad nesled deg-s tuddsa n talya akked tesnamka, tamukrist n tewsit tettbeddil yak ssifa. Amgired n tmuyli yellan gar sin n yiberdan-a ilmend n tmiđrant n tewsit, nezmer ad t-id-nessegzi akka: deg uswir n taywalt, aqeddic yekkat ad yesnerni tawsit-is, ma deg uswir n uđris tmessed-it, tezmer ad t-telsiley ney ad as-ibeddel ilugan. Da, nezmer ad nessemgired gar snat n tsekkwin taddayin: imtawayen imensayen d yimtawayen imlukanen.

Deg tusbikin tisnalsanin, isefranen s ways nezmer ad neeqel tawsit ur frizen ara, yas akken yella umcabi, ama deg talya ama deg usentel, gar yiğrisen n yiwt n tewsit. Aya icudd yer sin n yinagrawen: tullsa(reduplication) n tewsit akked d ulsiley n tewsit.